

სსიპ

საქართველოს ტექნიკური უნივერსიტეტი

ბრძანება

30.03.2015 № 52

თბილისი

სტუ-ში 2014-2015 სასწავლო წლის მეორე
სემესტრში პროფესიული საგანმანათლებლო
პროგრამების შემდგომ საფეხურზე ჩარიცხვის
მიზნით ტესტირების ჩატარების შესახებ


”უმაღლესი განათლების შესახებ“ საქართველოს კანონის 22-ე მუხლის, ”პროფესიული ტესტირების ჩატარების დებულების დამტკიცების თაობაზე“ საქართველოს განათლებისა და მეცნიერების მინისტრის 2013 წლის 27 სექტემბრის №152/ნ ბრძანების და საქართველოს ტექნიკური უნივერსიტეტის წესდების საფუძველზე

ვ ბ რ ძ ა ნ ე ბ :

1. განისაზღვროს 2014-2015 სასწავლო წლის მეორე სემესტრში (საგაზაფხულო მიღება) საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტის პროფესიული საგანმანათლებლო პროგრამების შემდგომ საფეხურზე ჩარიცხვის მიზნით ჩასატარებელი ტესტირების პროცედურა №1 დანართის შესაბამისად.
2. დამტკიცდეს ტესტირების კომისიის შემადგენლობა №2 დანართის შესაბამისად.
3. განისაზღვროს ტესტირების ფარგლებში წარმოშობილი პრეტენზიების განხილვის წესი №3 დანართის შესაბამისად.
4. დამტკიცდეს ტესტირების საპრეტენზიო კომისიის შემადგენლობა №4 დანართის შესაბამისად.
5. ტესტირება ჩატარდეს საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნოლოგიურ ინსტიტუტში (მის: ქ.ტყიბული, კარლო ლომაძის მოედანი N 4).
6. საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტის პროფესიული საგანმანათლებლო პროგრამების შემდგომ საფეხურზე ჩარიცხვის მიზნით ტესტირება ჩატარდეს

მიმდინარე წლის 15 აპრილს. ტესტირება დაიწყო 12:00 საათზე, აპლიკანტი უნდა გამოცხადდეს 30 წუთით ადრე რეგისტრაციის გასავლელად. ტესტირების ხანგრძლივობა განისაზღვროს 90 წუთით.


7. ტესტირების შედეგების გასაჩივრება და პრეტენზიების განხილვა მოხდება 16-17 აპრილს.
8. კონტროლი ბრძანების შესრულებაზე დაევალოს სწავლების დეპარტამენტს (ენარეშელაშვილი).
9. ბრძანება გამოიკრას თვალსაჩინო ადგილებზე და განთავსდეს უნივერსიტეტის ვებგვერდზე.

რექტორი  ა. ფრანგიშვილი

ვიზები:


რექტორის მოადგილე

სასწავლო დარგში ლ. კლიმიაშვილი

სწავლების დეპარტამენტის 

უფროსი ი. ლომიძე

იურიდიული დეპარტამენტის

უფროსი ბ. მაისურაძე 

2014-2015 სასწავლო წლის მეორე სემესტრში საქართველოს ტექნიკური უნივერსიტეტის
სამთო-გეოლოგიური ფაკულტეტის ტყიბულის სამთო-ტექნოლოგიური
ინსტიტუტის პროფესიული საგანმანათლებლო პროგრამის შემდგომ საფეხურზე
ჩარიცხვის მიზნით ჩასატარებელი ტესტირების პროცედურა

მუხლი 1. აპლიკანტის უფლებები და ვალდებულებები ტესტირებისას

1. საქართველოს ტექნიკური უნივერსიტეტის მიერ ორგანიზებული ტესტირების (შემდგომში ტესტირება) ჩაბარების მიზნით, აპლიკანტი ვალდებულია დროულად გამოცხადდეს სტუ-ში რეგისტრაციაზე და ტესტირებაზე.
2. დაგვიანების შემთხვევაში აპლიკანტი არ დაიშვება ტესტირებაზე.
3. ტესტირების დროს აპლიკანტს უფლება აქვს თან იქონიოს:
 - ა) წყალი;
 - ბ) პირადი ჰიგიენის საგნები;
 - გ) საჭიროების შემთხვევაში სხვა ნივთები, სტუ-ს ტესტირების კომისიის წინასწარი თანხმობით.
4. ტესტირების დროს აპლიკანტს ეკრძალება:
 - ა) მობილური ტელეფონის ან სხვა ელექტრონული აპარატურის ქონა;
 - ბ) დამხმარე მასალის – სახელმძღვანელოების, ჩანაწერების, ფურცლების და სხვათა გამოყენება, გარდა სტუ-ს ტესტირების კომისიის მიერ შეთავაზებული ნივთებისა;
 - გ) გადალაპარაკება, დახმარების გაწევა ან მიღება რაიმე ფორმით, სხვა აპლიკანტისათვის რაიმე ფორმით ხელის შეშლა;
 - დ) სამუშაო ადგილის უნებართვოდ დატოვება. სამუშაო ადგილის დატოვება შესაძლებელია მხოლოდ თანმხლებ პირთან ერთად;
 - ე) მუშაობის დაწყება შესაბამისი მითითების გარეშე.

მუხლი 2. ტესტირების დროს წესის დარღვევა

1. ტესტირების დროს აპლიკანტი მიიღებს გაფრთხილებას ამ წესის პირველი მუხლის მე-4 პუნქტით გათვალისწინებული მოთხოვნების დარღვევის შემთხვევაში.
2. ამ წესის პირველი მუხლის მე-4 პუნქტით გათვალისწინებული მოთხოვნების დარღვევის განმეორების შემთხვევაში აპლიკანტი იხსნება ტესტირებიდან.

მუხლი 3. ტესტირების პროცესზე დასწრება

1. ტესტირებას უნდა ესწრებოდეს – კომისიის თავმჯდომარე, კომისიის წევრები და ტექნიკური პერსონალი (ასლის გადასაღებად).
2. ამ მუხლის პირველი პუნქტით გათვალისწინებული პირების ტესტირებაზე ყოფნამ ხელი არ უნდა შეუშალოს ტესტირების მიმდინარეობას, მათ ეკრძალებათ ტესტირების შინაარსთან დაკავშირებით აპლიკანტის დახმარება ან მათი მუშაობისთვის ხელის შეშლა.

მუხლი 4. ტესტირების ფორმა

1. ტესტის გარეკანზე უნდა მიეთითოს აპლიკანტის სახელი, გვარი, პირადი ნომერი, სპეციალობა, საფეხური და თარიღი.
2. ტესტში სწორი პასუხი უნდა შემოიხაზოს. ორი ან მეტი პასუხის შემოხაზვის შემთხვევაში პასუხი ანულირდება და ქულა დაითვლება კითხვების საერთო რაოდენობიდან.
3. ტესტირების ხანგრძლივობაა 90 წუთი.
5. ტესტის შეჯამება უნდა მოხდეს 100 ქულიანი სისტემით. მინიმალური დადებითი შეფასებაა 25 ქულა.

ტესტირების კომისიის შემადგენლობა

1. შალვა კელეპტრიშვილი – სამთო-გეოლოგიური ფაკულტეტის ხარისხის უზრუნველყოფის სამსახურის უფროსი, კომისიის თავმჯდომარე.
2. ამირანი ფხალაძე – ტყიბულის სამთო-ტექნოლოგიური ინსტიტუტის (შემდგომში ინსტიტუტი) პედაგოგი, კომისიის წევრი.
3. გრიგოლი ცნობილაძე – ინსტიტუტის პედაგოგი, კომისიის წევრი.
4. მევლუდი ცნობილაძე – ინსტიტუტის პედაგოგი, კომისიის წევრი.
5. ნიაზ ჯიქია - სამთო - გეოლოგიური ფაკულტეტის მენეჯერი, კომისიის წევრი.
6. დავითი კაკაბაძე - ინსტიტუტის პედაგოგი, კომისიის წევრი.
7. ოთარ გვენეტაძე - ინსტიტუტის პედაგოგი, კომისიის წევრი.
8. გიორგი ბუხრაშვილი – ინსტიტუტის პედაგოგი, კომისიის წევრი.

ტესტირების ფარგლებში წარმოშობილი პრეტენზიების განხილვის წესი

მუხლი 1. საპრეტენზიო კომისია

1. სტუ-ს მიერ ორგანიზებული ტესტირების (შემდგომში ტესტირება) ფარგლებში წარმოშობილი პრეტენზიები განიხილება წინამდებარე ბრძანებით შექმნილი საპრეტენზიო კომისიის მიერ (დანართი 4).

მუხლი 2. საპრეტენზიო კომისიის რეგლამენტი

1. საპრეტენზიო კომისიის სხდომას იწვევს და უძღვება საპრეტენზიო კომისიის თავმჯდომარე.

3. საპრეტენზიო კომისია პრეტენზიებთან დაკავშირებით გადაწყვეტილებას იღებს წინამდებარე ბრძანებით განსაზღვრულ ვადებში.

4. საპრეტენზიო კომისიის სხდომა უფლებამოსილია, თუ მას ესწრება წევრთა სრული შემადგენლობის უმრავლესობა. საპრეტენზიო კომისიის გადაწყვეტილებები მიიღება კომისიის სხდომაზე დამსწრე წევრთა ხმათა უმრავლესობით.

5. საპრეტენზიო კომისიის სხდომაზე ფორმდება სხდომის ოქმი, რომელსაც ხელს აწერს საპრეტენზიო კომისიის თავმჯდომარე და კომისიის წევრები.

მუხლი 3. ტესტირების ფარგლებში წარმოშობილი დარღვევების გასაჩივრება

1. ტესტირების ფარგლებში წარმოშობილი დარღვევის ფაქტის თაობაზე, აპლიკანტი უფლებამოსილია შეიტანოს საპრეტენზიო განაცხადი საპრეტენზიო კომისიაში, ტესტირების შედეგების გამოცხადების შემდეგ, წინამდებარე ბრძანებით დადგენილ ვადებში.

2. პრეტენზიის წარდგენისას აპლიკანტმა თან უნდა იქონიოს დაბადების/პირადობის მოწმობა/პასპორტი.

3. დარღვევის ფაქტის თაობაზე წარდგენილი პრეტენზია შეიძლება ეხებოდეს:

ა) პრეტენზიის წარმდგენი აპლიკანტის უფლებების დარღვევას სხვა აპლიკანტების მიერ;

ბ) სხვა აპლიკანტის მიმართ ტესტირების პროცედურის დადგენილი წესის დარღვევას სხვა აპლიკანტების მიერ (აპლიკანტისათვის დახმარების აღმოჩენა და ა.შ.);

გ) სტუ-ს მიერ აპლიკანტის მიმართ ტესტირების პროცედურის დადგენილი წესის დარღვევას;

დ) ტესტირების პროცედურის სხვა დარღვევებს.

4. საპრეტენზიო კომისია პრეტენზიების განხილვას იწყებს განაცხადის შეტანის ვადის ამოწურვისთანავე და მიღებულ გადაწყვეტილებას აცნობს აპლიკანტს წინამდებარე ბრძანებით დადგენილ ვადებში.

ტესტირების საპრეტენზიო კომისიის შემადგენლობა

1. ანზორ აბშილავა - სამთო-გეოლოგიური ფაკულტეტის დეკანი, კომისიის თავმჯდომარე
2. ზურაბი მახარაშვილი - ტყიბულის სამთო-ტექნოლოგიური ინსტიტუტის (შემდგომში ინსტიტუტი) კარიერისა და პროფორიენტაციის მენეჯერი, კომისიის წევრი.
3. ლაშა რობაქიძე - ინსტიტუტის პედაგოგი, კომისიის წევრი.
4. ბადრი კობახიძე - ინსტიტუტის პედაგოგი, კომისიის წევრი.
5. გიორგი თაბაგარი - ინსტიტუტის პედაგოგი, კომისიის წევრი.
6. მარინა ქასრაშვილი - ინსტიტუტის პედაგოგი, კომისიის წევრი.